



RÍKISLÖGREGLUSTJÓRINN

ALMANNAVARNADEILD



Berist til: Fjölmíðlar, almannavarnir.is, stjórnarsýsla og tengiliðir sóttvarnalæknis.

STÖÐUSKÝRSLA

Dags: 26.02.2020

Kl.: 15:30

Staðsetning: Samhæfingarstöð/Embætti landlæknis/Sóttvarnalæknir,

Óvissustig vegna kórónaveiru (COVID-19)

Lýsing á atburði

Í lok desember 2019 bárust fregnir af alvarlegum lungnasýkingum í Wuhan-borg í Kína. Í kjölfarið var staðfest að um áður óþekkt kórónaveiruafbrigði er að ræða, sem nú kallast COVID-19. Staðfest er að veiran smitast á milli manna og að hún getur valdið alvarlegum veikindum.

Á Íslandi er unnið samkvæmt óvissustigi, Landsáætlun- heimsfaraldur influensu. Ef svo ber undir má virkja Landsáætlun-sóttvarnir hafna og skipa, og Landsáætlun –alþjóðaflugvellir samhliða Landsáætlun vegna heimsfaraldurs influensu.

Enginn einstaklingur hefur enn sem komið er greinst á Íslandi.

Samantekt

- Almannavarnadeild ríkislögreglustjóra
- Embætti landlæknis / Sóttvarnalæknir. [Sjá upplýsingasíðu](#)
- Landspítalinn Sýkla og veirufræðideild- sýkingavarnadeild
- Heilsugæslahöfuðborgarsvæðisins
- Rauði Krossinn
- Landsbjörg
- Heilbrigðisstofnanir
- Heilsuvera
- Læknavaktin
- Flugsamgöngur um alþjóðaflugvelli og skipaumferð um skilgreindar hafnir
- Vegagerðin
- Samtök atvinnulífsins og sérstaklega SAF.
- Lyfjastofnun
- Landhelgisgæsla Íslands
- Tollgæslan
- Utanríkisráðuneytið

Staða mála

Kórónaveira – útbreiðsla erlendis

Í dag 26. febrúar 2020 hefur sýking af völdum COVID-19 verið staðfest hjá um 81.027 einstaklingum og um 2.763 einstaklingar hafa látist (3,4%). Þrjátíu og þrjú dauðsföll hafa orðið utan Kína, fimmtán í Íran, fjögur á skemmtiferðaskipi við Japan, ellefu í S-Kóreu, ellefu á Ítalíu, eitt í Taiwan, eitt á Filippseyjum, eitt í Japan og eitt í Frakklandi. Samkvæmt [John Hopkins](#) hafa 30.258 einstaklegar náð sér eftir veikindin. Sjá vef [Sóttvarnastofnunar Evrópu](#) (ECDC) varðandi þróun mála.

Nýgreindum tilfellum innan Kína fer nú fækkandi en hins vegar er veiran að greinast í fleiri löndum og fer fjölgandi innan nokkurra landa einkum Ítalíu og Suður-Kóreu. Flestar sýkingar í Evrópu í dag má rekja til Ítalíu.

Tilfellin sem greinst hafa eru frá Kína (78.095), Hong Kong (85), Macao (10), Singapúr (91), Taílandi (40), Suður-Kóreu (1.146), Japan (164), Taívan (31), Malasíu (22), Víetnam (16), Sameinuðu arabísku furstadæmin (13), Indland (3), Filippseyjar (3), Kambodía (1), Nepal (1), Sri Lanka (1), Ástralíu (22), Bandaríkjunum (53), Kanada (11), Þýskaland (16), Frakkland (14), Bretland (13), Ítalía (322), Rússland (2), Spánn (7), Belgía (1), Finnland (1), Svíþjóð (1), Íran (95), Kuwait (11), Ísrael (2), Bahrain (23), Egyptaland (1), Afghanistan (1), Írak (5) og Líbanon (1). Farþegaskip við Japan (691). Sl. sólarhring hafa ný tilfelli komið upp í Alsír (1), Oman (4), Brasilíu (1) og Austurríki (2), Króatía (1) og Sviss (1). Flest tilfellin (97%), eða 78.190 hafa greinst í Kína. Af þeim 381 einstaklingum sem greinst hafa í Evrópu hafa 322 smitast innan Ítalíu. [Sjá nánar](#). [Sjá einnig áhættumat ECDC](#).

Ísland

- Enginn einstaklingur hefur greinst á Íslandi.
- Hér á landi hafa nú 38 sýni verið rannsökuð af sýkla og veirufræðideild Landspítalans. Reyndust þau öll neikvæð.
- Ráðleggingar til ferðamanna varðandi kórónaveiruna COVID-19 hafa nú verið uppfærðar. Skilgreind hafa verið tvö áhættusvæði, svæði þar sem miklar líkur eru á samfélagssmiti og svæði með lága áhættu. [Sjá nánar frétt](#).
- Ráðleggingar til ferðamanna eru birtar á [vef landlæknis](#).
- Borgaraþjónusta utanríkisráðuneytisins hefur opnað sérstakan gagnagrunn fyrir Íslendinga erlendis sem óska eftir að vera á skráðir hjá utanríkisráðuneytinu og upplýstir um ferðaráð vegna COVID-19 veirunnar á meðan á dvöl þeirra stendur.
- Hægt er að komast beint inn á gagnagrunninn af forsíðu Stjórnarráðsvefsins eða vefsíðu utanríkisráðuneytisins – utn.is
- Utanríkisráðuneytinu hafa borist fyrirspurnir frá Íslendingum erlendis, meðal annars á Tenerife. Þeim er ráðlagt að kynna sér ráðleggingar sóttvarnalæknis, fylgjast vel með tilmælum stjórnvalda og skrá sig hjá borgaraþjónustunni kjósi þeir svo.
- Borgaraþjónustan hefur frá því COVID-19 veiran tók að breiðast út átt í reglubundnu samráði við borgaraþjónustur Norðurlandanna.
- Unnið er að áframhaldandi upplýsingamiðlun fyrir mismunandi markhópa.
- Áfram er unnið samkvæmt óvissustigi, Landsáætlun- heimsfaraldur influensu.
- Stöðufundur fyrir fjölmiðla verður haldinn í dag kl. 16:30 í Björgunarmiðstöðinni, Skógarhlíð 14. Gert er ráð fyrir að slíkir upplýsingafundir verði haldnir reglulega.
- Næsti stöðufundur í samhæfingarstöð almanna varna verður á morgun miðvikudaginn 26. febrúar kl. 08:15.

Almannavarnadeild ríkislögreglustjóra
Samhæfir aðgerðir í samstarfi við sóttvarnalækni/embætti landlæknis Almannavarnastig er óbreytt: unnið er á óvissustigi- Landsáætlun um heimsfaraldur inflúensu. Vinnuhópur ríkislögreglustjóra vinnur að greiningu á hugsanlegum aðgerðum sem miða að því að stemma stigu við komu ferðamanna frá áhættusvæðum.
Sóttvarnalæknir/embætti landlæknis
Unnið að samhæfingu aðgerða, leiðbeiningum og efni fyrir almenning, heilbrigðisstarfsfólk, ferðaþjónustuna og atvinnulífið . Upplýsingar eru uppfærðar og nýjar leiðbeiningar settar inn eftir þörfum. Sjá nánar . Áhættumat sóttvarnalæknis fyrir Ísland er samhljóða áhættumati Sóttvarnastofnunar Evrópu. Unnið er að því að uppfæra Landsáætlun- heimsfaraldur inflúensu í samvinnu við avd-RLS .
Landspítalinn – Sýkla og veirufræðideild-sýkingavarnadeild.
Situr daglega samráðsfundi SVL með samhæfingarstöð almannavarna. Í dag hafa 38 einstaklingar verið rannsakaðir af sýkla og veirufræðideild.m.t.t. hinnar nýju kórónaveiru og var enginn þeirra með veiruna.
Heilsugæsla höfuðborgarsvæðisins (HH) / Heilsuvera.is
Umdæmis og svæðislæknir (Umd/Svæ)-SVL á höfuðborgarsvæðinu situr reglulega. samráðsfundi með SVL.
Alþjóðaflugvellir, Keflavík, Akureyri, Egilsstaðir og Reykjavík. Sóttvarnahafnir.
Upplýsingum er miðlað til farþega og starfsmanna. Landhelgisgæslan sendir upplýsingar til erlendra skipa sem eru á leið til hafnar á Íslandi og fer yfir farþegalista ásamt Tollgæslunni. Mikil áhersla er að ná til farþega sem koma til landsins. Sent SMS til komufarþega Keflavík, Akureyri og Norrænu á Seyðisfirði.
Ferðaþjónustuaðilar
Ferðamálastofa og Samgöngustofa dreifa upplýsingum í gegn um sína gagnagrunna til ferðaþjónustuaðila. Fundur um viðbragðsáætlanir hafna og flugvalla var 24. febrúar.
Heilbrigðisstofnanir og lögregla á landsbyggðinni
Umdæmin eru vel undirbúin skv. viðbragðsáætlunum. Næsti samráðsfundur SVL og lögreglustjóra umdæmanna verður þriðjudaginn 3. mars.
Læknavaktin
Miðlar upplýsingum og tryggir svörun 24/7. Símaþjónusta 1700. Fyrir erlend símanúmer +354 544-4113. Læknavaktin hefur fengið mikið af fyrirspurnum varðandi veiruna, m.a. vegna ferðalaga erlendis. Hafa samráð við HH um að tryggja aðgang að vakthafandi lækni.
Rauði Krossinn
Unnið er að þarfagreiningu v/einangrunaraðstöðu fyrir ferðamenn í hverju sóttvarnaumdæmi. Unnið í samvinnu við Landspítala. Rauði krossinn veitir sálfélagslegan stuðning við fjölskyldur sem eru í sóttkví. Virkjaður hefur verið samráðshópur áfallahjálpar sem skráir inn upplýsingar í aðgerðagrunn yfir stöðu mála.
Landsbjörg
Miðlar upplýsingum til ferðamanna á www.safetravel.is . Vinnur að því að skrá nýja aðila inn í aðgerðagrunn SAR-EYE.
Utanríkisráðuneytið.
Borgaraþjónusta utanríkisráðuneytisins hefur opnað sérstakan gagnagrunn fyrir Íslendinga erlendis sem óska eftir að vera á skráðir hjá utanríkisráðuneytinu og upplýstir um ferðaráð vegna COVID-19 veirunnar á meðan á dvöl þeirra stendur. Sendiráð Íslands í Peking er í sambandi við Íslendinga í Kína, m.a. þá sem hafa skráð sig á netfanginu help@mfa.is . Borgaraþjónustan hefur frá því COVID-19 veiran tók að breiðast út átt í reglubundnu samráði við borgaraþjónustur Norðurlandanna.
Lyfjastofnun
Er í samskiptum við Lyfjastofnanir erlendis og fylgist með birgðum nauðsynlegra lyfja. Ekkert bendir til lyfjaskorts hérlendis af völdum COVID-19 enn sem komið er. Sjá nánar frétt á vef Lyfjastofnunar .